



Broj: 08-06/2-14-2-4657-13/15

Dana: 19.10.2015.godine

Na osnovu člana 64. stav (1) tačka b), člana 25., člana 70. stav (1), (3), i (6) i člana 72. stav (3) tačka a) Zakona o javnim nabavkama ("Sl. glasnik BiH", broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Sl. glasnik BiH", broj: 103/14), na Preporuku Komisije za nabavku iz Zapisnika o ocjeni ponuda broj: 08-06/2-14-2-4657-4/15 od 30.09.2015. godine i Zapisnika o ocjeni ponuda nakon dostavljanja originalne dokumentacije broj: 08-06/2-14-2-4657-10/15 od 15.10.2015.godine, u postupku javne nabavke - "LOT 1: Sukcesivna nabavka goriva za potrebe PS Kakanj", ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača - "KAKANJ PETROL" d.o.o. Kakanj, za "LOT 1: Sukcesivna nabavka goriva za potrebe PS Kakanj"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda nakon dostavljanja originalne dokumentacije broj: 08-06/2-14-2-4657-10/15 od 15.10.2015.godine, i ugovor za "LOT 1: Sukcesivna nabavka goriva za potrebe PS Kakanj" dodjeljuje se ponuđaču "KAKANJ PETROL" d.o.o. Kakanj, sa ponudom broj: 08-06/2-14-2-4990/15-BS od 30.09.2015.godine, za ponuđenu cijenu u iznosu od 25.224,00 KM sa PDV-om i uračunatim popustom.

II

Stavlja se van snage Odluka broj: 08-06/2-14-2-4657-5/15 od 02.10.2015.godine, o izboru najpovoljnijeg ponuđača "HIFA-PETROL" d.o.o. Sarajevo, za "LOT 1: Sukcesivna nabavka goriva za potrebe PS Kakanj".

III

Odabrani ponuđač "KAKANJ PETROL" d.o.o. Kakanj dužan je u roku od **5** (pet) dana od dana zaprimanja ove Odluke o izboru, **na Protokol ugovornog organa dostaviti** originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza

- aktivan dokaz o registraciji u profesionalnom ili trgovačkom registru u zemlji u kojoj je osnovana firma ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost

- 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

IV

Dokumentacija navedena u stavu II ove Odluke mora biti dostavljena na način da u svemu bude pripremljena kako je traženo predmetnom tenderskom dokumentacijom u ovom postupku nabavke (odredbe koje se tiču **čvrstog uvezivanja, numerisanja** svake stranice dostavljene dokumentacije koje podrazumijeva i numerisanje stranica sa ovjerom..).

V

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

VI

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-4657/15 od 08.09.2015.godine.

Javna nabavka provedena je putem otvorenog postupka.

Procijenjena vrijednost nabavke je: 30.000,00 KM bez PDV-a (35.200,00 sa PDV-om)

Obavještenje o nabavci broj: 488-1-1-52-3-33/15, poslano je na objavu dana 10.09.2015.g. u 07,57 h.

Komisija za javnu nabavku imenovana je rješenjem broj: 08-06/2-14-2-4657-2/15 od 28.09.2015. godine.

Komisija za javnu nabavku sačinila je Zapisnik o zaprimanju ponuda broj: 08-06/2-14-2-4657-3/15 od 30.09.2015.godine, Zapisnik sa otvaranja ponuda broj: 08-06/2-14-2-4657-3/15 od 30.09.2015.godine i Zapisnik o ocjeni ponuda broj: 08-06/2-14-2-4657-4/15 od 30.09.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "ZAIMOVIĆ" d.o.o. Kakanj, "KAKANJ PETROL" d.o.o. Kakanj i "HIFA-PETROL" d.o.o. Sarajevo.

- da ponude svih ponuđača ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ.

Prilikom računanja cijena iz ponuda, u svrhu poređenja ponuda primjenom preferencijalnog tretmana domaćeg, Komisija kod ponuđača "KAKANJ PETROL" d.o.o. Kakanj nije prihvatila dostavljenu Potvrdu Vanjskotrgovinske komore BiH broj: 05-27-1550/15 od 17.09.2015. godine, jer je ista izdata privrednom društvu "ANTUNOVIĆ AGS" d.o.o. Orašje, koje uopće nije učesnik predmetnog postupka nabavke.

Budući da je ponuđač "KAKANJ PETROL" d.o.o. Kakanj registrovan za promet naftom i naftnim derivatima, isti je kao takav mogao, odnosno trebao pribaviti te uz ponudu dostaviti potvrdu izdatu na svoje ime.

Komisija nije mogla prihvatiti pomenutu dostavljenu Potvrdu Vanjskotrgovinske komore BiH bez obzira što je ponuđač "KAKANJ PETROL" d.o.o. Kakanj dostavio i potvrdu privrednog društva "ANTUNOVIĆ AGS" d.o.o. Orašje kojom to privredno društvo garantuje da je ponuđač "KAKANJ PETROL" d.o.o. Kakanj kupac naftnih derivata koje distribuira "ANTUNOVIĆ AGS" d.o.o. Orašje.

Ovakav stav Komisija je zauzela rukovodeći se praksom Ureda za razmatranje žalbi BiH iz predmeta broj: UP2-01-07.1-9-11/15 od 18.02.2015. godine.

Slijedom navedenog utvrđen je redoslijed ponuđača, kako slijedi:

Redni broj	Naziv/ ime ponuđača	Ukupna cijena ponude sa PDV-om i uračunatim popustom u KM	Preferencijalni tretman domaćeg	Ukupna cijena ponude sa PDV-om u KM sa uračunatim popustom i preferencijalnim tretmanom	Rang
1.	"ZAIMOVIĆ" d.o.o. Kakanj	25.800,00 KM	Ne	25.800,00 KM	3
2.	"KAKANJ PETROL" d.o.o. Kakanj	25.224,00 KM	Ne	25.224,00 KM	2
3.	"HIFA-PETROL" d.o.o. Sarajevo	26.910,00 KM	Da	22.873,50 KM	1

Stavom II Odluke o izboru najpovoljnijeg ponuđača broj: 08-06/2-14-2-4657-5/15 od 02.10.2015.godine, odabrani ponuđač "HIFA-PETROL" d.o.o. Sarajevo obavezan je da u roku od **5** (pet) dana od dana zaprimanja te Odluke o izboru, **na Protokol ugovornog organa dostavi** originale ili ovjerene kopije niže navedene dokumentacije:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza
 - aktivan dokaz o registraciji u profesionalnom ili trgovačkom registru u zemlji u kojoj je osnovana firma ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost
 - 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

Odluku o izboru najpovoljnijeg ponuđača broj: 08-06/2-14-2-4657-5/15 od 02.10.2015.godine, zajedno sa Obavještenjem o izboru broj: 08-06/2-14-2-4657-6/15 od 02.10.2015.godine, i Zapisnikom o ocjeni ponuda broj: 08-06/2-14-2-4657-4/15 od 30.09.2015.godine, ovaj ugovorni organ dostavio je odabranom ponuđaču "HIFA-PETROL" d.o.o. Sarajevo putem faxesa dana 05.10.2015.godine, za što kao dokaz o izvršenom slanju posjeduje "Sending report", na broj faxesa kojeg je ponuđač "HIFA-PETROL" d.o.o. Sarajevo naveo u svojoj ponudi na Obrascu za ponudu – robe- Aneks I ponude.

Međutim, ponuđač "HIFA-PETROL" d.o.o. Sarajevo nije traženu dokumentaciju dostavio na Protokol ugovornog organa u roku je odredio ugovorni organ (5 dana od dana dostavljanja Odluke o izboru najpovoljnijeg ponuđača), nego je traženu dokumentaciju dostavio dana 13.10.2015.godine. Dakle rok za dostavu originalne dokumentacije istekao je dana 12.10.2015.godine (član 92. Zakona o upravnom postupku ("Službeni glasnik Bosne i Hercegovine" br. 29/02), kojim je propisano, citiramo: "Ako posljednji dan roka pada u nedjelju ili

na dan državnog praznika, ili u neki drugi dan kad organ kod koga se radnja postupka ima preduzeti ne radi, rok ističe istekom prvog narednog radnog dana".

S tim u vezi ovaj ugovorni organ postupa u skladu sa odredbom člana 72. stav (3) tačka a) Zakona o javnim nabavkama kojim je propisano da, citiramo: "Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača, u slučaju da najuspješniji ponuđač:

a) propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, **u roku koji odredi ugovorni organ;**".

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Slijedom navedenog, ponuđač "KAKANJ PETROL" d.o.o. Kakanj je odabran na osnovu ponuđene cijene u iznosu od 25.224,00 KM sa PDV-om i uračunatim pustom.

PРАВNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Hajrudin Žilić